

**WASAARADDA WAXBARASHADA IYO TACLIINTA
SARE**

IMTIXAANKA FASALKA 4AAD, 2011

AF-SOOMAALI



XAFIISKA IMTIXAANAADKA PUNTLAND

MAGACA:

DUGSI:

ROOL LAMBAR:

DAWLADDA BUNTILAAAN

WASAARADDA WAXBARASHADA

XAFIISKA IMTIXAANKA

IMTIXAANKA AF SOOMAALIGA FASALKA AFRAAD EE DUGSIGA SARE

2011

AMIN: 2 SAAC


LAGU DARAY 10 DAQIIQO OO WARQADO AKHRIS AH

TILMAAMAHA IMTIXAAN-GALAHA:

WAXAA IMTIXAANKU KA KOOBAN YAHAY 15 BOG. BOGGA LABAAD WAA
FEEGAAR LAMA SAXAYO WIXII LAGU QORO. TIRI BOGAGGA, HADDAY
WAX KA MAQAN YIHIIN ILAALIYAHA U SHEEG.

WUXUU IMTIXAANKU KA KOOBAN YAHAY 7 QAYBOOD OO KALA AH
SIDAAN:

- I. SHEEKO 20 DHIBCOOD
- II. NAXWE 20 DHIBCOOD
- III. HEES HAWLEEDYO 10 DHIBCOOD
- IV. MAAHMAAHO 08 DHIBCOOD
- V. GABAYO 16 DHIBCOOD
- VI. GOOGAALAYSI DHAQAMEED 06 DHIBCOOD
- VII. MAANSO 05 DHIBCOOD
- VIII. CURIS 15 DHIBCOOD



QAYBTA KOOWAAD

(20 dhibcood)

SHEEKO

Akhri sheekadaan iskuna day inaad fahamto, dabadeedna ka jawaab dhammaan su'aalaha kaaga iman doona.

Waa waajib saran qof kasta inuu tixgelin siiyo waxyaabaha ay nolosheenu ku xiran tahay. Waxaa la ogaaday in waxa aan maanta sameeynno ay raad ku yeelan doonaan aayaheenna berrito. Markii aynnu fiirinno deegaanka inaku meeraysan, ee aynu ku dhex nool nahay, sida aynu u adeegsannaa waa si aad u fool xun oo cirib-dambeed-xumo keenaysa. Isbeddelka cimilada waxaa ka dhasha abaaro. Allaah ayaa keena abaarta mana baajin karno, haseyeeshee dhibaata isticmaal xumada deegaanka ka dhalata ayaa cimilada isbeddelkeeda saameyn weyn ku leh. Dhulka marka dhirta laga xaalufiyo waxaa ka dhasha carra-guur. Carra-guurka waxaa keena dadka oo aan aqoon sida habboon ee loo adeegsado deegaanka. Tani waa dhibaato weyn oo ka jirta dalkeenna ayna sababtay dadkeenna oo aan dhawrin deegaanka iyo dawladda oo aan xil weyn iska saarin ilaalinta deegaanka. Haddii aysan dadku ka fekerin mustaqbalka waxa ku dhici doona dalkeenna marka aan deegaanka la dhawrin waxaa si degdeg ah loo dhaxli doonaa dalka oo noqda lama degaan iyo dadka oo saboolnimo ku dambeeya. Carra-guurku waa ciidda nafaqada leh oo laga waayo dhulka korkiisa. Carrada sare ee dhulka waxaa ku jira nafaqo badan. Berigii hore dadku ma aysan aqoon waxyaabaha dhaliya carra-guurka, sidaa darteed lama qaadi jirin taallaabooyin lagu joojinayo carra-guurka. Carra-guurka waxaa dhaliya arrimo ay ka mid yihiin biyo daad ah iyo dabeylo. Nooc

kasta oo dhir ihi waxay joojin karaan carraddii biyuhu qaadi lahaayeen; dhirtaasi ha noqoto dhir gaagaaban sida cawska ama dhir dheer dheer sida quraca, higlada, iwm. Dhirtu waxay hakisaa xawliga biyaha waxayna kaliftaa in biyihu si tartiib ah u socdaan. Sidoo kale dhirtu waxay hakisaa ama yaraysaa xoogga dabaylaha wax yeeli kara dhirta.

Dhawrista iyo ilaalinta deegaanku waxay lafdhabar u tahay nolosha dadka iyo noolaha kale oo dhan. Waa lagama maarmaan in qof walbaa xil weyn iska saaro ilaalinta deegaanka gaar ahaan ilaalinta dhirta.

B. Goobo geli xarafka ka horreeya weedha saxa ah. (10 dhibcood)

1. Cinwaanka qoraalku waa:

- | | |
|----------------|----------------|
| a) carro-tuur. | b) carro-guur. |
| c) dabaylo. | d) daadad. |

2. Waxyaabaha dhaliya carro-guurka waxaa ka mid ah:

- | | |
|--------------------------|-------------------------|
| a) dhirta oo la jaro. | b) dhulka oo la beerto. |
| c) xoolaha oo la dhaqdo. | d) dadka oo wax barta. |

3. Dhirtu dhulka waxay u celisaa :

- | | |
|-------------|------------|
| a) roobka. | b) cawska. |
| c) carrada. | d) kulka. |

4. Dhirta oo la jaro waxaa ka dhasha isbeddel ku dhaca cimilada taas oo keenta:



a) roobab badan.

b) dhaqaalaha oo sare u kaca.

c) dabeylo yar.

d) abaaro.

5. Inaysan Soomaalidu deegaanka dhowrin waxaa sabab u ah:

a) aqoon la'aan.

b) isla weynan

c) geesinimo.

d) ilbaxnimo

T. Ka jawaab su'aalaha soo socda

(10 dhibcood)

1. Sheeg labo qaybood oo ka mid ah meelaha dhibuhu ka soo gaaraan deegaanka Soomaalida.

a) _____ (01 dhibic)

b) _____ (01 dhibic)

2. Sharax kooban ka bixi waxa dhaliya carro-guurka.

(02 dhibcood)

3. Sidee ayaa looga hortegi karaa Carro-guurka?

(02 dhibcood)

4. Sheeg sida ugu fiican ee loo joojin karo dhirta dhuxusha laga shido adigoo muujinaya waxa lagu beddeli karo. (02 dhibcood)

5. Sheeg sida ugu fiican ee loo joojin karo bacaha isku mara dhirta qalajiyana iyagoo ka xiraya hawada adigoo muujinaya waxa dadku ku beddelan karaan si ay ugu adeegtaan. (02 dhibcood)

QAYBTA LABAAD. NAXWE (20 dhibcood)

I. Akhri weeraha soo socda kana jawaab su'aalaha ka iman doona. (05 dhibcood)

1. Faahiye ama Rooble ayaa ku jira fasalka. Ka soo saar weertaan (weedhaan) xiriiriyaha ku jira. _____.
2. Caasha waa gabar dhuuban. Ka soo saar weertaan tilmaamaha ku jira. _____.
3. Ciise wuxuu akhriyayaa buug. Ka soo saar weertaan falka ku jira. _____.



4. Axmed wuxuu u socdaa si aayar ah. ka soo saar weedhaan falkaabka ku jira. _____.
5. Isagu wuxuu ku tukanayaa masjidka. Ka soo saar weedhaan magac-u-yaalka ku jira. _____.

II. Keli ka dhig erayadaan wadarta ah.

(05 dhibcood)

Tusaale: Buuro

Buur

1. Fardo _____
2. Wanan _____
3. Ceelal _____
4. Sanbabbo _____
5. Niman _____

III. Erayada hoos ku qoran sharaxaad kooban ka bixi

(05 dhibcood)

1. Sidig: _____

_____.

2. Layli: _____

_____.

3. Baaqimo:

4. Baarqab:

5. Dhiil:

IV. Erayada hoos ku qoran lidkooda keen.

(05 dhibcood)

1. Aar:
2. Goroyo-cawl:
3. Barbaar:
4. Murugo:
5. Nayl:



QAYBTA SADDEXAAD HEES HAWLEEDYO.

(10 dibcood)

Isla doono meesi kasta iyo heestiisa

Tusaale: Hees geel

Wiilan Waayeel waayo maalini

wadaanteediyo wiil iska rogo.

Adoo raacaya tusaalaha "0" ku qor xarafka ka horreeya heesta ku qoran
jog taxa T halka u bannaan ee jog taxa B.

Joog u tax B

Jiif u tax T

0. Hees geel ___W___ W. Haddaan koorey koorineyno kaalinka xeryayn

koofur hoosiyo kor waxbaa jira. (Tusaale)

1. Hees idaad _____

A. Ma caddee ha caddaado caano geel ha
ahaado. Culimaa cuni doonta iyo caalim
wadaada.

2. Hees riyaad_____

B. Dhexyar Dhuuboy dhexda ka cayaar oo
dhagdhag u soco oo ninna ha dhibin.

3. Hees lo'aad_____

C. Garoy maaddaa waa haddii gu'gu galbo
hooraa oo la guuraa ood gumbada
weyn geeda mari

4. Hees Carruureed_____

D. Wanaagsane waris wayl u xalay dhalay
wiil la moodyoo walqal lala damac.

5. Hees badar tun_____

E. Ha waalan ha waalaloobin ha waayin
walaalo dhowr ah.



QAYBTA AFRAAD: MAAHMAAHYO

(08 dhibcood)

A. Magaca joog u taxa "B" ku aaddi maahmaahda joog u taxa "T" adoo ku qoraya tirada meesha u bannaan. (03 dhibcood)

B

T

b. Geel _____

1. Giiro geeskayga ku daaq

t. Sagaaro _____

2. Cag ku raacda iyo cad ku deeqa ayuu leeyahay.

j. Riyo _____

3. Harag sagaaro iiga kac mooyee iiga durug ma leh.

B. Maahmaahyada soo socda ku buuxi meelaha bannaan erayga ku habboon. (05 dhibcood)

1. _____ tun la kala qalo maleh.

2. _____ nin ganay iyo nin galladayba og.

3. Dad saddex baa u liita ma-toshe, ma-tashade iyo _____.

4. Nin daad qaaday _____ cuskay.

5. _____ been waa sheegtaa beense ma maahmaahdo.



QAYBTA SHANAAD GABAY

(16 dhibcood)

I. Akhri gabaygaan dabadeedna ka jawaab su'aalaha ka dambeeya.

Alleyl dumey albaabadoo la xiray uunkoo wada seexday

Onkod yeeray uugama roob alif banaatiiq ah

Iihda iga bixi baa libaax iman la moodaaye

Raggase araxda iyo ooftu waa udub dhexaadkiiye

Labadii wax laga eegi jirey waa ka awdnahaye

Halkaan aa ka leeyahay Illaah keliya uun baa og

Aboodigu ma lalo garab hadduu iin ku leeyahaye

Orod uma hollado ooglihii araxda beelaaye

. . .

Nin Ugaas walaalkiis yahoo eeday baan ahaye

Afdhabaandhow aayara ninkaa amusaan ahaye.

I. Ku buuxi meelaha bannaan erayada bilaha ku dhex jira kuwa ugu habboon ama ugu saxsan. (10 dhibcood)

1. Cinwaanka gabaygu waa _____.

(Gam'i waayey, Alleyl Dumey, Ninka ilo biyo leh soo arkay, Aroos)

2. Raage wuxuu sheegay in laba xubnood udub dhexaad u yihiin jiritaanka qofka. Labada xubnood waa _____ (labada indhood, labada gacmood, araxda iyo oofta, labada dhegood)

3. Raage meesha uu ka taahayo waxa uu sheegay cidda ogi inay tahay _____ (dadka oo dhan, isaga laftiisa, ugaaska walaalkiisa, Illaah oo keli ah, gabadha uu jecel yahay)

4. Raage wuxuu "Oogle" ula jeedaa _____. (Dameer, Rati, Dibi, Faras, Orgi, Gorgor)

5. Igar waxay Soomaalidu u taqaan _____. (hal ilmo aysan dhalin lagu tolo, hal maqaarka ama candha salaaxa ku godlata, hal caana badan, hal baaqimo ah)

II. Sharax kooban ka bixi tuducyada hoos ku qoran (06 dhibcood)

1. Aboodigu ma lalo garab hadduu iin ku leeyahay. _____

2. Nin Ugaas walaalkiis yahoo eeday baan ahaye. _____

3. Af dhabaandhow aayara ninkaa aamusaan ahaye. _____



QAYBTA LIXAAD GOOGAALAYSI DHAQAMEED

(06 dhibcood)

Erayadan hoos ku qoran mid walba ku aaddi googaalaysi dhaqameedka ku habboon uuna jawaabta u yahay, kuna qor meesha u bannaan. Raac tusaalaha koowaad ee lagu siiyey.

Halaq ama abeeso

Afka iyo ilkihiisa

Injirta

3^{da} dhardhaar iyo digsig

Qoraxda, xiddigaha iyo dayaxa

Barkinta iyo aqalka

Naasaha geela iyo haruub-gaalka

1. UI qurux badan qaadan waa: _____Halaq, mas ama abeeso _____.
2. Mas barko oo maroodi kugu gawriirsey: _____.
3. Aqal wada aleelaysan: _____.
4. Habar belo ah, riyo boqol ah, haruub buqul ah: _____.
5. Hal madoobi hawd miratay: _____.
6. Afar gamuun god ku yoontay: _____.
7. Saddex nin oo nin waalan sida: _____.

QAYBTA TODDOBAAD MAANSO

(05 DHIBCOOD)

Sheeg shan qaybood oo ka mid ah qaybaha maansada.

1. _____.
2. _____.
3. _____.
4. _____.
5. _____.

QAYBTA SIDDEEDAAD CURIS

(15 DHIBCOOD)

Mid ka dooro labadaan mowduuc, ka qor ugu yaraan 35 sadar midka aad dooratid. Far qurxinta, figradaha fiican, adeegsiga erayada waaweyn iyo murtidu waxa ay ka qayb yihiin dhibcaha la helayo.

1. Beentu dhibta ay u leedahay qoyska iyo guud ahaan bulshada adduun iyo aakhiraba.
2. Dhibaataada sigaarka iyo buurigu u geystaan:
 - a. Caafimaadka bulshada guud ahaan, gaar ahaanna qofka isticmaala.
 - b. Dhaqaale ahaan saameynta uu ku leeyahay qofka iyo dadweynahaba.
